

增批  
歸方評點史記

同文圖書館  
印行



項羽本紀第七

史記七

鍾惺曰遷以項羽置本紀為史記入漢第一篇文章儼然列漢諸帝之前而無所忌蓋深惜羽之不成也英雄是其一生立言主意然可見漢世文字一途禁忌甚寬

項籍者下相人也字羽初起時年二十四其季父項梁梁父即楚將項燕為秦將王翦所戮者也項氏世世為楚將封於項故姓項氏項籍少時學書不成去學劍又不成項梁怒之籍曰書足以記名姓而已劍人敵不足學學萬人敵於是項梁乃教籍兵法籍大喜略知其意又不肯竟學項梁嘗有櫟陽逮乃請斬獄掾曹咎書抵櫟陽獄掾司馬欣以故事得已項梁殺人與籍避仇於吳中吳中賢士大夫皆出項梁下每吳中有大繇役及喪項梁常為主辦陰以兵法部勒賓客及子弟以是知其能秦始皇帝游會稽渡

鍾惺曰冷語  
湊來自妙

凌約言曰每  
段用以故以  
是以此字為  
結句

茅坤曰叙籍  
形軀才氣如  
此

茅坤曰叙倉  
卒起覺處如  
畫

鍾惺曰俚會  
稽守一事庸  
人不能為帝  
王不肯為真  
群雄局面

浙江梁與籍俱觀籍曰彼可取而代也梁掩其口曰  
毋妄言族矣梁以此奇籍籍長八尺餘力能扛鼎才  
氣過人雖吳中子弟皆已憚籍矣秦二世元年七月  
陳涉等起大澤中其九月會稽守通謂梁曰江西皆  
反此亦天亡秦之時也吾間先即制人後則為人所  
制吾欲發兵使公及桓楚將是時桓楚在澤中梁  
曰桓楚人莫知其處獨籍知之耳梁乃出誠籍持  
劍居外待梁復入與守坐曰請召籍使受命召桓楚  
守曰諾梁召籍入須臾梁詢籍曰可行矣於是籍遂  
拔劍斬守頭項梁持守頭佩其印綬門下大驚擾亂  
籍所擊殺數十百人一府中皆懼伏莫敢起梁乃召



鍾惺曰從古雖小小英雄無此不能用眾  
劉長翁曰此召平不自了事乃能作此度外奇事所以發亡秦之端在此

故所知豪吏。諭以所爲起大事。遂舉吳中兵。使人收  
下縣得精兵八千人。梁部署吳中豪傑爲校尉候司  
馬。有一人不得用。自言於梁。梁曰。前時某喪。使公主  
某事不能辨。以此不任用。公衆乃皆服。於是梁爲會  
稽守。籍爲裨將。徇下縣。廣陵人召平。於是爲陳王徇  
廣陵。未能下。聞陳王敗走。秦兵又且至。乃渡江。矯陳  
王命。拜梁爲楚王。上柱國。曰。江東已定。急引兵西擊  
秦。項梁乃以八千人渡江而西。聞陳嬰已下東陽。使  
使欲與連和。俱西。陳嬰者。故東陽令史。居縣中。素信  
謹。稱爲長者。東陽少年殺其令。相聚數千人。欲置長  
無適用。乃請陳嬰。嬰謝不能。遂彊立嬰爲長。縣中從

嬰母數言皆與項利反照

鍾惺曰嬰母識力不在止其子之王在此數語說得有權術是世宜人第一占便

者得二萬人。少年欲立嬰便為王。異軍蒼頭特起。頭

謂士卒皂巾若赤眉青領之類異軍殊異其軍為蒼頭也陳嬰母謂嬰曰自我為

汝家婦未嘗聞汝先古之有貴者今暴得大名不祥

不如有所屬事成猶得封侯事敗易以亾非世所指

名也。嬰乃不敢為王。謂其軍吏曰項氏世世將家有

名於楚。今欲舉大事將非其人不可。我倚名族亾秦

必矣。於是眾從其言以兵屬項梁。中包陳嬰小傳凡大紀傳中多有此

等項梁渡淮黥布蒲將軍亦以兵屬焉凡六七萬人軍下邳。當是時秦嘉已立景駒為楚王。軍彭城東。欲

距項梁。項梁謂軍吏曰陳王先首事戰不利未聞所

在。今秦嘉倍陳王而立景駒逆無道。乃進兵擊秦嘉。

陳仁錫曰楚漢兵起大抵以立六國後封守令為第一義

秦嘉軍敗走。追之至胡陵。嘉還戰一日。嘉死。軍降。景駒走死梁地。項梁已并秦嘉軍。軍胡陵。將引軍而西。章邯軍至栗。項梁使別將朱雞石餘樊君與戰。餘樊君死。朱雞石軍敗。走胡陵。項梁乃引兵入薛。誅雞石。項梁前使項羽別攻襄城。襄城堅守不下。已拔。皆阬之。還報項梁。項梁聞陳王定死。召諸別將會薛。計事。此時沛公亦起沛往焉。居鄭人范增年七十。素居家。好奇計。往說項梁曰。陳勝敗固當。夫秦滅六國。楚最無罪。自懷王入秦。不返。楚人憐之。至今故楚南公曰。楚雖三戶。亡秦必楚也。今陳勝首事。不立楚後而自立。其勢不長。今君起江東。楚蠡起之將。皆爭附君。



者以君世世楚將為能復立楚之後也於是項梁然其言乃求楚懷王孫心民間為人牧羊立以為楚懷王從民所望也陳嬰為楚上柱國封五縣與懷王都盱台項梁自號為武信君居數月引兵攻亢父與齊田榮司馬龍且軍救東阿大破秦軍於東阿田榮即引兵歸逐其王假假亡走楚假相田角亡走趙角弟田閒故齊將居趙不敢歸田榮立田儋子市為齊王項梁已破東阿下軍遂追秦軍初章邯既殺齊王田儋於臨淄田假後自立為齊王儋弟榮走保東阿章邯數使使趣齊兵欲追圍之梁引軍救東阿大敗秦軍與俱西田榮曰楚殺田假趙殺田角田閒乃發兵項梁曰田假為與國之王窮來從我不忍殺之趙亦不

鍾惺曰宋義  
實無所能止  
以一語偶中  
遂受之重任  
古今倉卒中  
用人往往如  
此

殺田角田閒以市於齊。齊遂不肯發兵助楚。項梁使沛公及項羽別攻城陽屠之。西破秦軍濮陽東。秦兵收入濮陽。沛公項羽乃攻定陶。定陶未下去。西略地至雒丘。大破秦軍。斬李由。還攻外黃。外黃未下。句是頓挫如人項梁起東阿西北至定陶再破秦軍項羽透氣一般等又斬李由。益輕秦。有驕色。宋義乃諫項梁曰。戰勝而將驕。卒情者敗。今卒少情矣。秦兵日益。臣為君畏之。項梁弗聽。乃使宋義使於齊。道遇齊使者高陵君顯。曰。公將見武信君乎。曰。然。曰。臣論武信君軍必敗。公徐行即免死。疾行則及禍。秦果悉起兵。益章邯擊楚軍。大破之。定陶項梁死。沛公項羽去外黃攻陳留。



陳留堅守不能下。沛公項羽相與謀曰。今項梁軍破

士卒恐。乃與呂臣軍俱引兵而東。呂臣軍彭城東。項

羽軍彭城西。沛公軍碭。是鋪張一節章邯已破項梁軍。

則以為楚地兵不足憂。乃渡河擊趙。大破之。當此時

趙歇為王。陳餘為將。張耳為相。皆走入鉅鹿城。章邯

令王離涉閒圍鉅鹿。章邯軍其南。築甬道而輸之粟。

陳餘為將。將卒數萬人。而軍鉅鹿之北。此所謂河北

之軍也。當是時趙歇為王氣開一開如說此處飲酒

神妙處又此段是乃渡河擊趙大破楚兵已破於定

陶懷王恐。從盱台之彭城。并項羽呂臣軍自將之。以

呂臣為司徒。以其父呂青為令尹。以沛公為碭郡長。

封爲武安侯。將碭郡兵。時以羽爲魯公。封長安侯。初，宋義所遇齊

使者高陵君顯在楚軍。見楚王曰：「宋義論武信君之

軍必敗，居數日，軍果敗。兵未戰而先見敗徵，此可謂

知兵矣。」王召宋義與計事，而大說之，因置以爲上將。

軍項羽爲魯公，爲次將，范增爲末將，救趙。諸別將皆

屬宋義，號爲卿子冠軍。秦三行至安陽，留四十六日。

不進。項羽曰：「吾聞秦軍圍趙，王鉅鹿，疾引兵渡河，楚

擊其外，趙應其內，破秦軍必矣。」宋義曰：「不然。夫搏牛

之蝨，不可以破蟣蝨。今秦攻趙，戰勝則兵罷，我承其

敝，不勝則我引兵鼓行而西，必舉秦矣。故不如先鬪

秦趙。夫被堅執銳，義不如公；坐而運策，公不如義。因

下令軍中曰。猛如虎。很如羊。貪如狼。彊不可使者。皆  
斬之。乃遣其子宋襄相齊。身送之。至無鹽。飲酒高會。  
天寒大雨。士卒凍飢。項羽曰。將戮力而攻秦。久留不  
行。今歲饑民貧。士卒食芋菽。軍無見糧。乃飲酒高會。  
不引兵渡河。因趙食。與趙併力攻秦。乃曰。承其敝。夫  
以秦之彊。攻新造之趙。其勢必舉。趙舉而秦彊。何  
敝之承。且國兵新破。王坐不安席。埽境內而專屬於  
將軍。國家安危。在此一舉。今不恤士卒而徇其私。非  
社稷之臣。項羽晨朝上將軍宋義。卽其帳中。斬宋義  
頭。出令軍中曰。宋義與齊謀反。楚楚王陰令羽誅之。  
當是時。諸將皆懼服。莫敢枝梧。皆曰。首立楚者將軍。



茅坤曰軍中相與擁立如

掌鐘惺曰今將軍誅亂下不

漆一字是懾

服真光景

唐順之曰此等處有一唱二嘆之味

茅坤曰項羽最得意之戰太史公最得意之文

家也。今將軍誅亂，乃相與其立，羽為假上將軍，使人

追宋義子及之，齊殺之，使桓楚報命於懷王。懷王因

使項羽為上將軍，當陽君、蒲將軍皆屬項羽。項羽已

殺卿子冠軍，威震楚國，名聞諸侯。乃遣當陽君、蒲將

軍將卒二萬渡河，救鉅鹿。戰少利，陳餘復請兵。項羽

乃悉引兵渡河，皆沈船，破釜，燒廬舍，持三日糧，以

示士卒必死，無一還心。於是至，則圍王離，與秦軍遇。

九戰，絕其甬道，大破之，殺蘇角，虜王離。涉閒不降楚。

自燒殺。當是時，楚兵冠諸侯。前當此時，趙歇為王，俱

是，有支又是總幾段氣頓。諸侯軍救鉅鹿，下者十餘

壁，莫敢縱兵。及楚擊秦，諸將皆從壁上觀。楚戰士無

吳澄曰下三  
無不字喚起  
精神

鍾惺曰亦字  
好引線

不一以當十。楚兵呼聲動天。諸侯軍無不人人喘恐。於是已破秦軍。項羽召見諸侯將入轅門。無不膝行而前。莫敢仰視。項羽由是始為諸侯上將軍。諸侯皆屬焉。章邯軍棘原。項羽軍漳南。相持未戰。秦軍數卻。二世使人讓章邯。章邯恐。使長史欣請事。至咸陽。留司馬門三日。趙高不見。有不信之心。長史欣恐。還走其軍。不敢出故道。趙高果使人追之。不及。欣至軍。報曰。趙高用事於中。下無可為者。今戰能勝。高必疾妒吾功。戰不能勝。不免於死。願將軍孰計之。陳餘亦遺章邯書曰。白起為秦將。南征鄢郢。北阬馬服。攻城略地。不可勝計。而竟賜死。蒙恬為秦將。北逐戎人。開榆

孫鑛曰二語  
即長史報意  
而不明解只  
以意懸斷故  
覺更峭

中地數千里。竟斬陽周。何者功多。秦不能盡封。因以  
法誅之。今將軍爲秦將三歲矣。所亡失以十萬數。而  
諸侯竝起。滋益多。彼趙高素諛日久。今事急。亦恐二  
世誅之。故欲以法誅將軍。以塞責。使人更代將軍。以  
脫其禍。夫將軍居外久。多內卻。有功亦誅。無功亦誅。  
且天之亡秦。無愚智皆知之。今將軍內不能直諫。外  
爲亡國將。孤特獨立。而欲常存。豈不哀哉。將軍何不  
還兵。與諸侯爲從約。共攻秦。分王其地。南面稱孤。此  
孰與身伏鈇質。妻子爲戮乎。章邯狐疑。陰使候始成  
使項羽。欲約。約未成。項羽使蒲將軍日夜引兵渡三  
戶。軍漳南。與秦戰。再破之。項羽悉引兵擊秦軍。汙水



茅坤曰置邯  
楚軍此羽之  
狐疑不足定  
天下處

上大破之。章邯使人見項羽，欲約。項羽召軍吏謀曰：糧少，欲聽其約。軍吏皆曰：善。項羽乃與期洹水南殷虛上，已盟。章邯見項羽而流涕，爲言趙高。項羽乃立章邯爲雍王，置楚軍中。使長史欣爲上將軍，將秦軍爲前行。到新安，諸侯吏卒異時，故繇使屯戍過秦中。秦中吏卒遇之多無狀。及秦軍降諸侯，諸侯吏卒乘勝多奴虜使之，輕折辱秦吏卒。秦吏卒多竊言曰：章將軍等詐吾屬降諸侯，今能入關破秦，大善，卽不能。諸侯虜吾屬而東，秦必盡誅吾父母妻子。諸將微聞其計，以告項羽。項羽乃召黥布、蒲將軍計曰：秦吏卒尙衆，其心不服，至關中不聽事，必危，不如擊殺之。而

王世貞曰項  
氏之阮秦也  
僕嬰也天其  
伸六國乎雖  
然不可以訓

孫鑛曰鴻門  
事首尾瑣細  
皆備見詳叙  
體

獨與章邯長史欣都尉翳入秦。於是楚軍夜擊阮秦  
卒二十餘萬人。新安城南行略定秦地。函谷關有兵  
守關不得入。又聞沛公已破咸陽。項羽大怒。使當陽  
君等擊關。項羽遂入。至於戲西。沛公軍霸上。未得與  
項羽相見。沛公左司馬曹無傷使人言於項羽曰。沛  
公欲王關中。使子嬰為相。珍寶盡有之。項羽大怒曰。  
旦日饗士卒。為擊破沛公軍。當是時。項羽兵四十萬。  
在新豐鴻門。沛公兵十萬在霸上。范增說項羽曰。沛  
公居山東時。貪於財貨。好美姬。今入關。財物無所取。  
婦女無所幸。此其志不在小。吾令人望其氣。皆為龍  
虎成五采。此天子氣也。急擊勿失。楚左尹項伯者。項

鍾惺曰默然  
二語又倉皇  
又倔强寫得  
如見

唐順之曰叙  
問答處使百  
世之下如日  
見之

羽季父也。素善留侯。張良。張良是時從沛公。項伯乃  
夜馳之沛公軍。私見張良。具告以事。欲呼張良與俱  
去。曰：毋從俱死也。張良曰：臣為韓王送沛公。沛公今  
事有急。亡去不義。不可不語。良乃入。具告沛公。沛公  
大驚曰：為之奈何？張良曰：誰為大王為此計者？曰：鯁  
生說我曰：距關毋內諸侯。秦地可盡王也。故聽之。良  
曰：料大王士卒足以當項王乎？沛公默然曰：固不如  
也。且為之奈何？張良曰：請往謂項伯。言沛公不敢背  
項王也。沛公曰：君安與項伯有故？張良曰：秦時與臣  
游。項伯殺人。臣活之。今事有急。故幸來告良。沛公曰：  
孰與君少長？良曰：長於臣。沛公曰：君為我呼入。吾得